

ÅRSMELDING 2018

Eigarar:

Åseral Husflidsdag, Åseral Sogelag, Åseral Næringsråd, Åseral Bygdekvinnelag, Åseral Sokneråd, Åseral Bedehus, Åseral Idrettslag og DFEF Betania Åseral.

Organisering:

Åseral Frivilligsentral er framleis organisert som ei forening, og er eigd av medlemsforeningane. Åseral kommune er med som observatør i styret og som økonomisk støttespelar.

Styremedlemar og varamedlemar før årsmøtet 21. mars 2018:

Namn:	Rolle:	Vald for periode:	Eigarforeining:
Britt Enny Haugland	Styreleder	2017 - 2018	Åseral Husflidslag
Arna Berg	Nestleder	2016 - 2018	Åseral Sogelag
Elling Eikerapen	Styremedlem	2016 - 2018	Åseral Næringsråd
Jan Oddvar Lineikro	Styremedlem	2017 - 2019	Åseral Idrettslag
Lars Magnus Reiersdal	Styremedlem	2017 - 2018	Repr. for frivillige
Linda Fosse	1.varamedlem	2017 - 2018	Åseral Sokneråd
Grethe Haddeland	2.varamedlem	2017 - 2018	DFEF Betania Åseral
Vibeke Sandåker	3.varamedlem	2017 - 2018	Åseral Bygdekvinnelag
Bjarne Verdal	Varamedlem	2017 - 2018	Repr. for frivillige

Styremedlemar og varamedlemar etter årsmøtet 21. mars 2018:

Namn:	Rolle:	Vald for periode:	Eigarforeining:
Arna Berg	Styreleder	2018 - 2019	Åseral Sogelag
Jan Oddvar Lineikro	Styremedlem/Nestleder	2017 - 2019	Åseral Idrettslag
Elling Eikerapen	Styremedlem	2018 - 2020	Åseral Næringsråd
Linda Fosse	Styremedlem	2018 - 2020	Åseral Sokneråd
Lars Magnus Reiersdal	Styremedlem	2018 - 2019	Repr. for frivillige
Grethe Haddeland	1.varamedlem	2018 - 2019	DFEF Betania Åseral
Vibeke Sandåker	2.varamedlem	2018 - 2019	Åseral Bygdekvinnelag
Tove Forgard	3.varamedlem	2018 - 2019	Åseral Bedehus
Bjarne Verdal	Varamedlem	2018 - 2019	Repr. for frivillige

Styret har hatt 6 styremøter og har behandla 30 saker. Årsmøte blei halde 21. mars 2018.

Sekretær for styret har vore dagleg leiar av sentralen, Lena Verdal Vittali fram til 1. august og Kristina Handeland Naglestad etter 1. august.

Det er blitt halde 2 eigarmøte, 2. mai 2018 og 6. september 2018.

Samarbeidsavtale mellom Åseral Frivilligsentral og Åseral kommune

Det vart i 2018 utarbeidd ein samarbeidsamtale, for tidsrommet 2018-2020.

Samarbeidsavtalen skal vera ei plattform for samspel og samarbeid mellom partane. Vidare skal den danna grunnlag for utvikling av ein frivilligheitspolitikk mellom frivilligsentralen og kommunen. Avtalen er etablert mellom likeverdige partar, og vidare dialog mellom partane skal baseres på denne avtalen. Målet er god samhandling for å støtte og tilretteleggja for at det skal være enkelt å vera frivillig i Åseral. Avtalen skal også bidra til å styrke relasjonen mellom offentlig og frivillig sektor til beste for innbyggjarane.

Stillingsressurs

Lena Verdal Vittali arbeidde i 100 % stilling, fram til ho sa opp stillinga, og slutta 1. august 2018.

Kristina Handeland Naglestad blei tilsett som ny dagleg leiar i 80 % stilling frå 1. august 2018.

Integrering

Frivilligsentralen fekk forespurnad frå Åseral kommune om å overta arbeidet til integreringskonsulenten i perioden 01.12.17 – 31.12.18 på grunn av permisjon for integreringskonsulenten.

Det blei utarbeidd intensjonsavtale mellom kommunen og frivilligsentralen der frivilligsentralen v/dagleg leiar Lena Verdal Vittali overtok arbeidet til integreringskonsulenten i perioden 01.12.17 – 31.12.18. Arbeidet vart bereikna til 40 % stilling, og dagleg leiar overtok arbeidet som skissert i intensjonsavtalen frå 01.12.17.

Det viste seg å vera eit krevande arbeid som tok meir tid enn 40%, og det vart så vanskeleg å kombinera med arbeidet ved sentralen at Styret for Frivilligsentralen fann det rett å seia opp intensjonsavtalen om integrering med Åseral kommune. Intensjonsavtala vart avslutta 01.05.18.

Nettverk

Dagleg leiar har delteke i Nettverk Vest også i 2018. Det består framleis av daglege leiarar frå frivilligsentralene i Åseral, Audnedal, Hægebostad, Marnardal, Søgne, Songdalen, Lindesnes, Mandal, Lyngdal, Farsund, Flekkefjord og Kvinesdal. Nettverksleder har vore Kathrine Raen Vatne, Hægebostad Frivilligsentral. Nettverket har hatt 6 nettverksmøter.

Kompetanseheving

Det var også i 2018 lite tid og ressurser til kompetanseheving, men fylgjande vart prioritert: Dagleg leiar deltok på Agder konferanse 10. – 11. september.

Tema var blant anna frivilligheitspolitikk.

Økonomi

Stilling til dagleg leiar og drift av sentralen, er finansiert av midlar frå:

Åseral kommune, rammetilskot, medlemskontingent frå medlemsforeningane, samt inntekter frå Oppas Hus Brukt & Antik. Me er også grasrotmottakarar.

Rekneskapen viser eit overskot på ca 140 000 kr. God innsats frå frivillige på Oppas Hus Brukt & Antik har gjeve gode resultat. Etter 1. august var det 20 % mindre på lønsutgifter. Det har vore mindre utgifter dette året til inventar i butikken og til kontorutstyr.

Frivilligsentralen held fram med abonnement på Tilskuddsportalen for lag og foreningar i Åseral.

Lokale

Frivilligsentralen held til på Oppas hus, og ordinær kontortid for dagleg leiar er 09.00-15.00.

Kontoret er mykje besøkt. I same hus held bruktbutikken Oppas Hus Brukt og Antikk til.

Frivilligsentralen disponerar sjølv bygninga i Gardsvegen 6 (Oppas Hus), med loft, påbygd areal med tilhøyrande kjellar, men ikkje lageret innanfor rampa. Sentralen/bruktbutikken har stadig plassmangel, og har ønska å kunna disponera også dette. I løpet av hausten byrja kommunen å rydda.

Frivillige

Me har ein god del registrerte frivillige ved sentralen. Somme er med på faste aktivitetar, medan andre er med meir sporadisk. I tillegg har fleire nye frivillige kome til i året som gjekk, og somme har også engasjert seg i fleire oppgåver.

Det er ei umogeleg oppgåve å talfesta nøyaktig kor mange timar frivillig arbeid som er lagt ned, men me talar om fleire årsverk. Bare på Oppas Hus Brukt & Antik er det i opningstida lagt ned fleire tusen timar. I tillegg kjem dugnader, frivillige som droppar innom og tek i eit tak, henting/bringing av varer, diverse førespurnadar og avtalar.

I samtale med frivillige, kjem det fram at det er gjevande å bidra med noko i lokalsamfunnet, Og det er i tillegg som oftast sosialt og meningsfylt. For somme er det også godt å ha noko fast å gå til.

Praksis:

Frivilligsentralen hadde 1 person i praksis 2 dagar i veka frå nyttår til 1. juli 2018. Vedkomande er nå med som frivillig.

Koordinering og samarbeid:

Dagleg leiar samarbeida gjennom året med mellom anna integrering, helse,habilitering, pleie, rehabilitering og omsorg, NAV, vaksenopplæring, skulen, teknisk, kultur, servicekontor, medlemsorganisasjonar, andre frivilligsentralar, Aktiv Åseral, Coop Åseral, Åseral snøscooterklubb og ulike lokale bedrifter som bidrog som sponsorar.

Dagleg leiar deltok i samarbeidsgruppe om integrering, i arrangementskomite for Internasjonal Matfestival, og i arrangementskomite for jolegateopninga.

Profilering

I 2018 har frivilligsentralen fått ny heimeside som er meir brukarvenleg for både administrator og publikum.

Me brukar sosiale medie aktivt. Me har ei facebookside for Åseral Frivilligsentral, der me informera om aktivitetar og tiltak, samt formidlar hjelpa og hjelpebehov. Vidare har me ei ega Facebookside for Oppas Hus Brukt & Antik. Felles for begge desse facebooksidene er at dagleg leiar er hovudadministrator, og frivillige hjelpa kan publisera. Me har og framleis den lukka gruppa på Facebook «Frivillige på Oppas Hus». Føremålet med denne gruppa er å på ein enkel måte kommunisera om vaktlister, dugnad og anna praktisk informasjon. Denne vert også administrert av dagleg leiar.

Sosiale media er kome for å bli, og me ser at me når mange på denne måten.

Det vert framleis arbeidd med informasjonsbrosjyre om Åseral frivilligsentral som etter planen skal sendast ut til alle husstander i Åseral. Grunna skifte av dagleg leiar har dette blitt utsett.

På seinhasusten 2018 starta me også opp planlegginga av ein musikkvideo. Med denne ville me skapa blest kring frivilligheit og synleggjera oss på ein litt annan måte enn me tidlegare har gjort.

Me spurde lokale bedrifter om sponsormidlar, og jamt over var det stor velvilje å møta!

Kyndige film/produsent personar vart også kontakta.

Aktiviteter:

Oppas Hus Brukt & Antik

Bruktbutikken Oppas Hus Brukt & Antiks starta opp 26.november 2016, og har jamt over ein god straum av kundar og/eller kaffigjestar. Me ser at det er ein svært viktig møteplass, då det ikkje er mange andre "opne dører" i bygda. Alle aldersgrupper er besøkande

For turismen spelar Oppas Hus ei stor rolle, me har svært mange turistar innom kvar helg. Somme omtalar staden som ei oppleving!

I tillegg er det eit godt tiltak for miljøpolitikken at me legg til rette for gjenbruk. Folk er flinke til både å levera og kjøpa varer!

Oppas Hus spelar og ei viktig rolle i integreringsarbeidet; innvandrarar er med som frivillige og gjev uttrykk for at det har mykje å seia for dei sosialt og at det er god norsktrening.

Opningstidene i 2019:

Onsdag og torsdag kl. 11:00 – 16:00, fredag kl. 11:00 – 18:00, og laurdag kl. 11:00 – 14:00.

I tillegg ekstra opningsdagar i samband med arrangement i bygda som matfestival, veteranbiltreff og jolegateopning.

I tillegg til dei faste opningstidene legg dei frivillige ned utallige timar på dugnad. Det vere seg henting av varer, sortering av varer, rydding og ommøblering og meir.

Dagleg leiar er fast i butikken kvar fredag, som oftast saman med andre frivillige.

Ellers er det dagleg leiar som er hovedkoordinator for butikken, og tek ansvar for å fylgje opp dei frivillige, «bemanningsplan» og syter for innkjøp av naudsynt utstyr, butikkrekvisita, planlegg framdrifta og anna.

Samarbeid med skulen

Frivilligsentralen har samarbeida med ungdomsskulen i samband med faga «Produksjon av varer og tjenester» og «Arbeidslivsfag».

I tillegg til at Oppas Hus Brukt & Antik har blitt nytta som læringsarena, har elevene bidrege med praktisk hjelp hos heimebuande (primært eldre) med snøskuffing og andre oppgåver.

Hausten 2018 opphøyrd denne ordninga grunna nytt opplegg på skulen.

Lyttevenar på barneskulen

Lyttevenane høyrer elevar i høgtlesing, og deretter samtalar dei om det dei har lese.

Kvar tysdag kl. 08:20 – 09:50 møter 3 faste lyttevenar opp på skulen, i tillegg er det 1-2 vikarar.

Det er veldig gode tilbakemeldingar frå både lyttevenar, lærarar og elevar.

Onsdagsklubben

Frivilligsentralen hadde ansvar for onsdagsklubben kvar onsdag kl 11.00-13.00 på Minne Kultursenter, med unntak av i påskeveka, fram til 1. juli 2018. Ein viktig sosial møteplass der alt mellom 8 og 20 pensjonistar deltok. Sal av kaffe og vafler, eller annan enkel mat. Dagleg leiar hadde ansvar for planlegging, førebuing, gjennomføring og etterarbeid. Frivillige stilte opp dei gongene dagleg leiar ikkje kunne.

Frå august 2018 gjekk ansvaret over til kommunen att, som i si tid starta opp dette flotte tilbodet. Grunnen var at den nye dagleg leiaren berre har 80% stilling, og onsdagen er hennar fridag. Dette ser ut til å fungera svært bra, og me er glade for at det vart slik ei grei løysing på det!

Tur På Dagtid

Turgruppa gjennomførte også i 2018 gåtur kvar veke til ulike stader i Åseral når veret var høveleg. Gruppa vart leia av 2 frivillige, og gruppa bestemte sjølv turmål frå gong til gong. Deltakarane var i all hovudsak pensjonistar, og deltakinga varierte mellom 2 og 10 deltakara pr gong. Godt folkehelseiltak og fin moglegheit til å sjå vakre stader i Åseral. Pause med nistemat og sosial oppleving.

Språkkafè:

I samarbeid med biblioteket har me hatt språkkafe 2 tysdagar i månaden kl. 18:00 – 19:30.

Frivilligsentralen dekkjer kostnader til kveldsmat, og biblioteket tilrettelegg lokale. Eit tiltak i positiv vekst og med aukande engasjement. 23 deltakarar på det meste, og med fleire deltakande bygdefolk i tillegg til flyktninger og andre tilflyttere. Me startar med kveldsmat, og vidare held me fram med ulike aktivitetar. Hovudmålet er å tala norsk i lag, og knyta relasjonar.

Følgeteneste:

Frivilligsentralen tek på seg oppdrag som følge ved pasientreiser der drosje er rekvirert, eller som følge med bil. Me mottok fleire spørsmål om dette i løpet av året. Ein tek og på seg følgeteneste der følgevennen er sjåfør med eigen bil til ulike avtalar for dei som ikkje har bil eller køyrer bil sjølv. For slike turar dekkar Frivilligsentralen drivstoffutgiftene.

Saman På Sykkel

I 2015 fekk Frivilligsentralen midlar til ein sykkel med el.motor. Denne har tilhaldsstad på Åseralsheimen. Tilbodet er her framleis, den kan brukast av både bygdefolk og tilsette ved Åseralsheimen. I 2018 har sykkelen vore lite i bruk.

Aktivitetsvenn for personer med demens

I 2017 signerte me i samarbeid med kommunen samarbeidsavtale med Nasjonalforeningen for folkehelse om oppstart av tilbod om aktivitetsvenn for personar med demens i Åseral. Det vart etablert arbeidsgruppe som hadde fleire arbeidsmøter med tanke på oppstart og gjennomføring lokalt vinteren 2018. I 2018 hadde arbeidsgruppa fleire arbeidsmøter, heldt kurs for aktivitetsvenner (6 deltakarar) og aktiviteten starta opp. Før jol var det erfaringssamling etter det første året. Det er eit flott tiltak med stort engasjement.



Øvelseskøyring

Dersom me har frivillige disponible, kan Frivilligsentralen vera med å øvelseskøyra med personar som skal ta førerkort på bil. Øvelseskøyraren må ha teke teorikurs, og fått kursbevis. Me kan bruka kommunen sin bil, og den som øvelseskøyrer dekkjer sjølv drivstoffutgifter.

Aktivitetsbussen

I 2017 vart det søkt Gjensidigestiftelsen om midlar til aktivitetsbuss. 15. desember fekk me beskjed om at søknaden var innvilga med kr. 669 000.



15. februar 2018 blei pengane overført og det blei arbeidd med å finna fram til rett busstype med plass for rullestol og tinga denne. Bussen blei forsinka, men blei henta 21. september 2018 og feira med marsipankake.

Det blei starta opp informasjonsrunde til eigarforeiningane og jobba med naudsynte endringar av reglement for bruk av bilen.

Eigarforeiningane har har brukt bilen 3 gonger og Helse/Pro har brukt bilen 3 gonger i 2018. Det vart og starta "Tur med bussen" som er månadlege turar til ulike handelssentrum for personar utan bil og/eller førarkort.

Datakurs

Vinteren 2018 vart det i samarbeid med biblioteket halde eit datakurs på 8 samlingar. Målgruppa var flyktningar og eldre med lite eller ingen kjennskap til data. Det var 5-10 deltakarar. To frivillige var med som hjelparar i tillegg til leiar av Frivilligsentralen og leiar av biblioteket.

Tur til Lordehytta for eldre og uføre:

I samarbeid med Åseral Snøscooterklubb blei det gjennomført dagstur inn til Lordehytta søndag 1. april. Åseral Frivilligsentral var hovedarrangør og stod for løyve. Scooterklubben stilte med frivillige hjelparar som stod for transport. Naboar til Lordehytta stilte med open hytte og tilgang på utedo. Grilling, tale av sokneprest Geir Ola Tveit, og strålande sol. Ein utruleg sosial og fin dag. Ca 100 deltakere.

Tur til Lysebotn og Egersund 13. juni 2018:

Det vart gjennomført dagstur med buss til Lysebotn, ferje ut Lysefjord og heim att om Ålgård og Vikeså. I Egersund var det stopp med god middag! 32 personer deltok. Turen vart støtta av Den Kulturelle Spaserstokken.

Aktivitetsdag i Mineralparken og klatreskogen 03.juli 2018

27 barn fekk oppleve ein flott dag med klatring, bading leik og moro! 7 vaksne var med som frivillige denne dagen. Før aktivitetsdagen vart det samarbeida med NAV, psykisk helsetjeneste og skulen, slik at dei med størst behov skulle få betre moglegheit til å melda seg på turen. Turen vart støtta med midler «For alle», Sparebankstiftelsen.

Krafttak mot kreft

Frivilligsentralen organiserte kreftforeininga sin innsamlingsaksjon i Åseral, mars 2018. Det var om lag 10 frivillige bøsseberarar engasjert, og det vart samla inn fleire tiall tusenar.

Samlinger for frivillige:

- Jolebord for frivillige på Ljosland Fjellstove i november. Her deltok 25 personar.

Satsingsområder 2018

- Videreutvikla allereie eksisterande tilbod og aktivitetar i regi av sentralen saman med dei frivillige
- Vurdera oppstart av tiltak og aktivitetar som kan sikra framtidig økonomi og bidra til moglegheiter for vidare utvikling av sentralen
- Meir plass på Oppas Hus
- Vidareutvikling av møteplass og fleire grupper
- Bruk av aktivitetsbussen
- Rekruttering av frivillige
- Frivillig arbeid og folkehelse
- Musikkvideo – synleggjera og rektuttera frivillig arbeid

Oppsummering

Året har vore prega av skifte av dagleg leiar for sentralen. Det har gått med mykje tid for tidlegare leiar i samband med avslutning, så tilsetingsprosess, og ny leiar som trong å setja seg inn i alle dei ulike oppgåvene ved sentralen.

Intensjonsavtala innanfor integrering kravde også svært mykje resursar.

Det må også nemnast at prosessen med aktivitetsbussen; i frå søknad til me fekk den i tunet, har vore tidkrevande både for tidlegare og ny dagleg leiar. Organisering, orientering og justering av reglement mm.

Når det er sagt, det er verdt alt strevet, og me trur bussen vil vera til glede og nyttig for mange i bygda!